

مطبعه و محل اداره :

جنرال اوغلنده امنيت
سندوغی جوارنده
شنگول يقوشنده
۲۲ نوسو

مشتاقنامه صراط مستقیم

۱۳۲۶

مسلك زمه موافق آثار
جدیده مع الممنونه
قبول اولنور

درج ایدله یین آثار اعاده اولتاز

دیر ، فلسفه ، علوم ، حقوق ، ادبیات تاریخ ، سیاست و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ یاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۰۵
سائر ممالک اجنبیه	۱۷	۹

یدنجی جلد

۱ ذی الحجة الشریفه ۱۳۲۹ پنجشنبه ۱۰ تشرین ثانی ۱۳۲۷

عدد : ۱۶۸

انگلیزی حکومتی اعانات عمومیہ مادہ سنی نظامات ایله تقید ایلمشدر. علیغار مدرسه سنک دارالفنونہ تحویلی ولوندرده جامع انشایی کی هندستان انگلیزی اهلایسنی یک رباءء لافزار اردن امور خیریه ده بیه جمع اعانات ایچون چکیلان مشکلات موجب عبرت شیلردر. بیلیم که عثمانلی دونمائی ایچون خارجاً جمع اعانه ایده بیلیمک نه قدر همت و اطراد مساعی به توقف ایدر.

درسعادت — یکی کوی

خایل خالد

دونانامز ایچون چالیشم

خبر آلیورز که بیوک براسلام و عثمانلی دونانامی وجوده کتیرمک ایچون بتون عالم اسلام شدتلی بر غلیانه کلرک هر مسلمانک اعانه به اشتراکئی تأمین ایده چک بعض تشبیلر، بعض تدبیرلر اتخاذ اولیور. بو عظیم تشبیلر نتایج فعالیه سی کورولورسه حقیقه مسلمانلر یشامغه لایق برملت اولدقلرینی جهانہ اثبات ایتیش اوله جقلردر. بز، مسلمانلرک « شرف » له « ذلت » ی، « حیات » ایله « ممات » ی تقدیر ایده میه چک قرر حسسز اولدقلرینه اینانه مایز. بز بتون قباحتی، بو پریشان قوتلری درله یوب طوپلامیان، ارالینه نظام وانتظام صوقیان رؤسایه حمل ایتیمک ایسته یورز.

یوقسه امین اولملی درکه بو بیوک قوت، بو خارق العاده حمیت سایه سنده یک بیوک ایشلر کوروله بیلیر.

آرتق هیچ برطرفک، وهم و خیالانه قولاق آصماهه رق، بویوله مصروف اوله جق همملری، مساعیلری توحید ایتیمک زمانی کلدیکمه قاعیت ایتیمی در. شرق و غربی کورمش، افغانینه واقف اولمش بعض مقتدر و حمیتور محترم رجال سیاییه نکده بوابده چالیشمقده اولدقلرینی کورمک، ایشتمک فوق العاده ممنونیتیزی موجب اولمش، شوق و غیرتمیزی تزئید ایتمشدر. انشالله بتون مسلمانلر بو خصوصده بذل فداکاری ایده جکلردر.

اونلر چالیشه طورسون، بز عثمانلی مسلمانلر و وطنداشلرده بوراده باش باش ویره رک دونانامز ایچون منابع واردات تأمین ایتیمکه چالیشملی بز.

بتون دوشونه بیلنلر بوابده صرف افکار ایتیمکه مکافدر. دوشونولور و چالیشلرسه یک چوق منابع واردات بولنه بیلیر. بز خاطریمزه برشی

کلدی؛ ظاهر اهمیتسز کی کورور نور، فقط بتون غزته جیلر، محررلر، مؤلفلر و کتابجیلر بونی قبول ایدرسه آتیا اهمیت کسب ایدر.

شمدی به قدر باصیلیمش هر کتاب و رساله دن لاقل بشر، بعدما باصیله جقلردن ده اونر عدد دونانما جمعیتنه اهدا اولنسی و کرک استانبولده و طشرده ده یومی غزته جیلر و کرک هفته اق رساله صاحباری ده سنه ده برکون غزته و مجموععلرینی دونانما جمعیتی نامنه نشر ایتملری طابع و محررلرجه قرارلشدیرلملی و بو قرار بر تعامل حکمته کیرملی. بو بر انتظام تحتد یاپیلورسه بر سنه ظرفنده خیل کتاب ساحه مطبوعاته چیقار، باصدیریلان اوچ درت، بیک کتابدن بش، اون دانه سنی جمعیتنه اهدا ایتیمک محرر و طابع ایچون هیچ برشی در. فقط بو دامله لرک سنه نهایتده برکولجک تشکیل ایده جکنه شبهه ایتیمه ملی در.

افراد اتی دائماً فداکارلق ابرازینه سوق ایدن محرر افندیلر شوکو چک فداکارلنی دریغ بیورمازلر امیدنده یز.

صراط مستقیم و بعض محررلری شو برقاچ کتابی دونمایه اهدا ایتیمکه بو امرخبره مباشرت ایتیش اولیورلر. بونی ایلر ایتیمک دونمایه جمعیتی ارکان و اعضای محترمه سنک همت و درایتلرینه متوقف در.

دونما جمعیتنه تبرع اولونان رساله و کتابلر

غروش	عدد
۱۹۵۰	صراط مستقیم مجلداتی ۱-۶. مؤسسلری طرفندن ۶۰
۱۰۰۰	عالم اسلام برنجی جلد. عبدالرشید افندی طرفندن ۵۰
۱۰۰۰	صفحات. عاکف یک طرفندن ۱۰۰
۲۵۰	مسلمان قادینی. عاکف یک طرفندن ۵۰
۲۵۰	دینی، فلسفی مصاحبلر. فزید یک طرفندن ۵۰
۴۴۵۰	یکون

اوقاف و جماعت اسلامیہ

یکی تشکل ایدن حریت و ائتلاف فرقه سنک پروگرامنده مندرج شومهم فقره بی شیمیدیلک بالکز قید و قوص قوجه پروگرام ایچنده خلافت مقدسه اسلامیہ و مسئله اهمی حقنده هیچ برسوز بولونامی خصوصنده مسلمانلرک نظر دقلرینی جلب ایله اکتفا ایدرز:

ماده ۶۴ — فرقه جه اتحاد اولان اساسه کوره حکومت عثمانیه نک حقوق و وظائفی عثمانلی صفتی حائز اولان بالعموم افراد و عناصر حقنده سیاناً جاری اوله جفته و جماعات غیر مسلمه اوتهدنبری صرف

شیئون نه کوزل بروسيله نيباهدر ا

حوادث کونيه نك، حب عطاالتدن، اويوشقلغه ميلندن، نشأت ايدن وارباب حرص ايچون بتون ابواب تنفع واغتنامي کشاده براقان درين براويقويه قارشو نه اي برتاثير تنبيه کاري واردر انسان، دشمنلرک بتون کيزلي دولابلرندن، اطرافنده دون شيطاني اتريقه لر دن بر کره ارشاد حادثات ايله خبردار اولديمي دامارلرينه اساله قوت ايدن، روح حيات نفع ايله ين برر عشته مردانه ايله صارصيلير وهان ميدان جهساده آتيليق، دليران حيمه التحاق ايتک ايستر، بوغليان عزم ايچنده دشمنلرينه حمله ايدهرک هيسني مصروع وخاب براقير. دشمن ده غرور خيت پيماسنندن آگاه اولهرق، خصمنک سکونتسه آلدانديغي آکلار.

ايشته عصر سابقده بتون شرقک، باخصوص اهل اسلامک حالده شو ايکي کله خلاصه ايدر: راحت ودرين براويقو... غرب، اهل شرقی بو حالده کورونجه مملکتلريني استيلايه باشلادی. آللرنده آووجلرنده نه وارسه آلدی، آتش اسارت ايله باقدی قاووردی. شرق، اطرافنده جوريلان سوراسارت ومذاتی کورونجه بونی ناصل دله بيله چکنی، وطننک ضبطنی دفع طمع يولنده، باج کورن، مدنيت پرده سي حریت، ملل خدعه سي آلتنده مملکتني چکوب آلان دشمنندن ناصل قورتوله بيله چکنی، دوشونمکه باشلادی، غنلندن قورتولدی، او حالده که عادتاً شرقک مجد قدیمي احيا ايتک اوزره بولنديغي بيله خاطراره کلمکه باشلادی.

في الحقيقة شرنلير، مملکتلرنده بوليان مواد انشائي، غریدن نقل طريقه، ييقيلما، دوريلمز بر بنای مجد و عزت وجسوده کتيره بيلمکه مسعد ايديلر، ناصل که آوروپاده بو کونکي اريکه حاکمانه سي ميدانه کنيره بيلمکه، تحکيم ايديه بيلمکه ايچون شرقدن وشرقليلر دن او عاصر اساسيه يوقيله جلب ايتمش، «نبادل منافع» قاعده سيله عامل اولمشیدی. شرقک بوقيام وانتباهي، آوروپاي دهشتلر ايچنده براقدي، دوشونمدي، بيک درلو حسابله طالديردی... خصوصيله عثمانلي آرسالانلرينک فوران اخير انقلابکاريلريني کوردکن صوکره بتون بتون قوشه قولاندي. چونکه آوروپا بونی حسابه قاتماش، دوشونمده شدی. بو جريان انتباهک عاقبتدن قورقدی، بو حرکتني طوردير مق ايستدی. قوت بولمغه ميدان براقماق ايچين، عثمانليرک الی، آياغني باغسلامق، آوروپا دولتلرينک غايه الملري اولدی.

ايشته بوسنه هر سرك الحاق، بلغارستان استقلالی، يمن و آرانودلق غائله لری، کريد مسئله سي، حوران قیامی وسائر... هپ بو خط حرکتک آتاريدر.

بونکله قالمدی. ايناليانک، اوقورسان چته سنک آليچاق کوکلی،

کندیلرينه عائد امور وخصوصاتی عن جماعه رؤيت واجرا ايتمکه بولندقلرينه مبنی عثمانلير آردسند مساوات کامله حاصل اولمق وشخصيت معنويه سي حکومتنک احاطه سياسيه سي ايچنده غائب اولهرق بروصايت بی لزوم آلتنده حس تشبندن محروم قالمش بولنان جماعات اسلاميه موجوديت حقيقيه احراز ايديه بيلمک اوزره جماعات ساثره ايله عين حقوق ووظائف حائر بر جمعيت اسلاميه تشکيلاتنه اهميت مخصوصه ويريله رک بونک ايچون لازم کن قوانین عاجلاً تنظيم و تطبيق ايديله. جکدر. قانون اساسينک ۱۱۱ نجی ماده سي بواساسه کوره تعديل اولنه جقدر.

ماده ۶۵ — اوقاف نظارتی اوقاف مدیریت عموميه سي شکله وضع اولنا حق ومجلس اداره سي جماعت اسلاميه طرفندن بالانتخاب تعيين ايديله جکدر.

ماده ۶۶ — ولايات وملحقاتی اوقاف مدير ومأمورینی مدیریت عموميه طرفندن منصوب اوله حق فقط محللری جماعت اسلاميه سي طرفندن منتخب برر مجلس اداره نك، نظارت ومراقبه سيله ايفای وظیفه ايله جکدر.

ماده ۶۷ — اوقاف وواردات وقفیه موجوده نك حرمين محترمينه مس شريفه واستانبوله وسائر بلاد جسيمه ده کی جوامع کبريه والاحاصل بر محله کی وارداتک ديگر محللرده بولنان مختص لهارينه مربوطيتی کماکان باقي قاله حق وبودرلو اوقافک يالکيز جبايت وارداتی خصوصنک تنظيم واصلاحی فقط هم واردات وهم صرفيات محللرينه مختص اولان وقفلرک ازهر جهت اداره سي تناری اوقاف مجلسلری معرفتيله اجرا ايديله جکدر.

ماده ۶۸ — اوقاف اسلاميه نك شو اصله کوره اداره سي تأمین ايتک اوزره کافه تفصيلات وتفرعات شامل بر قانون مخصوصک سربا تنظيم ونطبقی فرقه مزجه مقرر در.

ماده ۶۹ — مکاتب خصوصيه اسلاميه نك تشکيل وتنسيق اداره سي جماعات اسلاميه توديع اولنه رق جماعات صائر کی جماعات اسلاميه نك ده ترقیات دينيه وادبيه وسلميه سي اداره وتأمينه اقدار اوله جقدر.

ماده ۷۰ — جماعات اسلاميه ايله اوقاف اداره لرینک مناسبات وروابطی درجه سي بالاده بيسان اولنان ايکی قانونده واضحا تبیین اولنه جقدر.

ماده ۷۱ — جوامع ومساجد شريفه کی مدرسه لرك دخی واردات وصرفياتی تنظيم واداره لرینی تنسيق وطلبه علومک ميشنلرينی ترقیه وتدریس وتخصیصی احتیاج زمانه کوره اصلاح ايتک وظیفه سي جماعت اسلاميه نك نظارت قانونيه سي آلتنده بولمق اوزره اوقاف مدیریت عموميه سنه مودوع اوله جقدر.

